

稗史叢書之一


古今宮闈秘記

上海進步書局印行

中華民國四年六月初版

(古今宮闈秘記六冊)

每部定價洋貳圓



編輯者 進步書局編輯所

印刷所 文明書局

發行所 文明書局

發行所 中華書局

分售處

中華書局

溫州	長沙	北京
福州	常德	天津
廣州	開封	保定
汕頭	南昌	重慶
濟南	南京	漢口
石庄	杭州	武昌
		長春

古今宮闈祕記卷七目次

闈寺類

奄之稱士

繆毒

趙餒之惡袁盎

奄人任用之始

宮掖用士人

黃皓以賄免死

不爲李蔡改行

高力士

胸上七黑子

奄爲天疾

枕一宦者臥

宮人匹偶中宮

朱伯厚

閔貢厲責張讓

蠻童盡忠

王綱壞矣正坐此屬

以節儉示子孫

香玉能笑號

古今宮闈祕記 卷七

二

芳林十哲

食瓜蠅集

朱崖柄用之借力

田令孜爲帝父

吾王自取之誤老奴矣

郭崇韜之死於中人

誅閹預兆

奄人有三師三公等官

宦者七千餘人

南漢宦官之橫

趙海進藥丸

猪心肝作人心肝

恥爲閹人指使

朱能之妖妄

舜舉之責王珪

懼爲袁盎笑

太尉足香

勿專任宦官

嘲押綱張殿侍詩

張遜 張茂則

隱相

媼相

理中凡幾千斤

楊戩前身是蝦蟆

禁中巨人

丁丁輩董

梁琬之交通宋人

鄭和

王振之恣橫

跛兒干

南婦碎琴

阿丑譎諫

賓主易位

內閣待中官之禮五變

老伴來矣

孔孟之主使

閣寺類 目次

天民爲閣人所戲弄

中人嗜學

寵閣市恩

樵人有妻

賈斌請刊忠義集

願歌南風

楊繼宗不屈閣宦

擣赤燒葱之諺

忘恩橘

張敏之保全孝宗

累朝金七窖俱盡

黃白米各千百石

古今宮闈祕記 卷七

四

頭陀卜相

南巡略女

迎活佛不至

鮑忠善詩

王進德有儒者風

張維詩

通篆籀六書之學

史斌能書有焚券之義

官官春帖

中人加欽差銜

御世仁風

破齋得禍

陳本之慘酷

魏忠賢之生祠

御饌挨月供辦

考中官亦用制載

媚璫實蹟之紅本

暖手

中官多閩人

高時明善壁窠書

劉奄善治鬪食

錢俊述宮中事

敬事房太監之職務

賣友換孔雀翎

內監直言被誅

李達英

印劉之寵愛

馮某

古今宮闈祕記 卷七

古今宮闈祕記卷七

闈寺類

奄之稱士

周禮天官內小臣。奄上士四人。史二人。徒八人。鄭康成曰。奄稱士者。異其賢。王嚴粲曰。先王之時。宜者不過數十人。內小臣四人。寺人五人。內豎五人。闈人每門四人而已。不若後世之多。既總於內宰。而內宰又屬於冢宰。上下相統。得以進退用舍之。則不賢者。自不容於其間。後世不然。宮中官。則皆奄人。既不屬宰相。所以縱橫而莫制。奄爲天疾。

周禮酒人。奄十人。女酒三十人。奚三百人。王氏曰。鄭氏以奄爲精氣閉藏者。蓋民之有是疾。先王因擇而用焉。與籩條蒙繆戚施直鑄聾瞶司火瞽朦修聲同。若以爲刑人。則國君不近。況於王乎。若刑無罪之人而任之。則宜先王之所不忍。賈氏曰。以其

與女酒及奚同職。故用奄人。奄不稱士。亦府史之類。鄭康成曰。女酒女奴。曉酒者。古者從坐。男女沒入縣官爲奴。其少才智以爲奚。今之官婢。或曰奚宦女。按鄭氏以奄爲人疾。非後世之用刑人及自宮求用之流。於此見古聖人之立法。未嘗不善。然蒙有疑者。當周之時。安得有如許天閹供職宮中耶。

嫪毐

呂不韋傳。不韋爲相國。號稱尙父。始皇帝壯。太后淫不止。呂不韋恐覺禍及己。乃私求人陰人嫪毐以爲舍人。時縱倡樂。使毐以其陰關桐輪而行。令太后聞之。以啗太后。太后聞果欲私得之。呂不韋乃進嫪毐。詐令人以腐罪告之。不韋又陰謂太后曰。可事詐腐。則得給事中。太后乃陰厚賜主腐者吏。詐論之。拔其鬚眉爲宦者。遂得侍太后。太后私與通。絕愛之。有身。太后恐人知之。詐卜當避時。徙宮居雍。嫪毐常從。賞賜甚厚。事皆決於嫪毐。嫪毐家僮數千人。諸客求宦爲嫪毐舍人千餘人。

枕一宦者臥

漢書。樊噲傳。高帝嘗病。惡見人。臥禁中。詔戶者無得入。羣臣絳灌等莫敢入。十餘日。噲迺排闥直入。大臣隨之上。獨枕一宦者臥。噲等見上流涕曰。始陛下與臣等起豐沛。定天下。何其壯也。今天下已定。又何憊也。且陛下病甚。大臣震恐。不見臣等計事。願獨與一宦者臥乎。且陛下獨不見趙高之事乎。帝笑而起。

趙談之惡袁盎

漢書。袁盎傳。盎爲中郎將。常引大體慷慨。宦者趙談以數幸。常害盎。盎患之。盎兄子種爲常侍騎。諫盎曰。君衆辱之。後雖惡。君上不復信。於是上朝東宮。趙談驂乘。盎伏車前曰。臣聞天子所與共六尺輿者。皆天下豪英。今漢雖乏人。陛下奈何與刀鋸之餘共載。於是上笑。下趙談。談泣下車。

宮人匹偶中官

漢時。宮中有對食者。宮人相與配合。爲夫婦也。陳皇后無子。使宮人衣上衣冠。與之寢處。武帝戲之。責以爲女。而男淫。後世宮人。率與中官爲匹偶。其醜甚於夫婦。

奄人任用之始

宦者傳。自明帝以後。迄乎延平。委用漸大。而其員稍增。中常侍至有十人。小黃門二十人。故以金璫右貂。兼領卿領之職。鄧后以女主臨政。而萬機殷遠。朝臣國議。無由參斷。稱制下令。不出房闈之間。不得不委用刑人。寄以國命。手握王爵。口含天憲。非復掖庭永巷之職。閹闈房闈之任也。

朱伯厚

後漢朱震傳。震字伯厚。初爲州從事。奏濟陰太守單匡臧罪。並連匡兄中常侍車騎將軍超。桓帝收匡。下廷尉以譴超。超詣獄謝三府。諺曰。車如雞栖。馬如狗。疾惡如風。朱伯厚。

宮掖用士人

文獻通考。袁紹大誅宦者之後。永巷掖庭。復用士人。閹闈出入。莫有禁切。侍中侍郎。門部驍宰。中外雜錯。醜聲彰聞。

閔貢厲責張讓

獻帝春秋河南中部掾閔貢。見天子出。率騎追之。比到河上。天子饑渴。貢宰羊進之。厲聲責張讓曰。君以閹官之隸。刀鋸之賤。越從瘠泥。扶持日月。賣弄國恩。階賤爲貴。却迫帝王。蕩覆王室。假息漏刻。遊魂河津。自亡新以來。奸臣賊子。未有如君者。今不速死。吾射殺汝。讓等惶怖。叉手再拜。叩頭向天子辭曰。臣等死。陛下自愛。遂投河而死。

黃皓以賄免死

蜀志董允傳。後主漸長大。愛宦人黃皓。皓便嬖佞慧。允常上則正色匡主。下則數責於皓。皓畏允。不敢爲非。終允之世。皓位不過黃門丞。九年卒。陳祗代允爲侍中。與黃皓互相表裏。皓始預政事。祗死後。皓從黃門令爲中常侍。奉車都尉。操弄威柄。終主覆國。蜀人無不追思允。及鄧艾至蜀。聞皓奸險。收將殺之。而皓厚賄艾左右。得免。

蠻童盡忠

顏氏家訓。齊有宦者內參田鵬鸞。本蠻人也。年十四五。初爲闈寺。便知好學。懷袖握書。曉夕諷誦。所居卑末。使役苦辛。時伺閒隙。周章詢請。每坐文林館。氣喘汗流。問書之外。不假他語。及覩古人節義之事。未嘗不感激沉吟久之。吾甚憐愛。倍加開獎。後被賞遇。賜名敬宣。位至侍中開府。後主之奔青州。遣其西出。參伺動靜。爲周軍所獲。問齊王何在。給云已去。計當出境。疑其不信。毆捶服之。每折一支。辭色愈厲。竟斷四體而卒。蠻夷童丱。猶能以學成忠。齊之將相比敬宣之奴不若也。

不爲李蔡改行

陳書蕭引傳。引爲貞威將軍建康令時。殿內隊主吳璉及宦官李善度、蔡脫兒等多所請屬。引一皆不許。引族子密時爲黃門郎。諫引曰。李蔡之勢。在位皆畏憚之。亦宜小爲身計。引曰。吾之立身。自有本末。亦安能爲李蔡改行。就令不平。不過解職耳。吳璉竟作飛書。李蔡證之。坐免官。

王綱壞矣正坐此屬

唐書竇懷貞傳。懷貞性詔詐。善諧結權貴。宦者用事。尤所畏奉。或見無須者。誤爲之禮。監察御史魏傳弓。嫉中人輔信義。欲劾奏其奸。懷貞曰。是安樂所信任者。奈何繩之。傳弓曰。王綱壞矣。正坐此屬。今日殺之。明日誅無所悔。懷貞猶固止之。

高力士

唐書宦者傳。高力士。馮盎曾孫也。聖歷初。嶺南討擊使李千里上二闍兒。曰金剛曰力士。武后以其彊悟。敕給事左右。坐罪逐出之。中人高延福養爲子。故冒其姓。善武三思。歲餘復得入禁中。稟食司宮臺。旣壯。長六尺五寸。謹密善傳詔令。爲宮闈丞。元宗在藩。力士傾心附結。已平韋氏。乃啓屬內坊。擢內給事。先天寶中。以誅蕭岑等功。爲右監門衛將軍。知內侍省事。於是四方奏請。皆先省後進。小事卽專決。雖洗沐未嘗出。眠息殿帷中。微倖者願一見。如天人然。帝曰。力士當值。我寢乃安。當是時。宇文融。李林甫。蓋嘉運。韋堅。楊慎矜。王鉷。楊國忠。安祿山。安思順。高仙芝等。雖以才寵進。然皆厚結力士。故能踵至將相。自餘承風附會不可計。皆得所欲。中人若黎敬仁。林

昭隱尹鳳翔、韓莊、牛仙童、劉奉廷、王承恩、張道斌、李大宜、朱光輝、郭全、邊令誠等，並內供奉。或外監節度軍，修功德，市鳥獸，皆爲之使，使還所裒，獲動巨萬計。京師甲第池園、良田、美產，占者什六。寵與力士略等。然悉藉力士左右輕重，乃能然。肅宗在東宮，兄事力士。它王公主呼爲翁。戚里諸家尊曰饗。帝或不名而呼將軍。河間男子呂元晤，吏京師，女國姝，力士娶之。元晤擢刀筆吏，至少卿。子弟仕皆王傅。元晤妻死，中外贈賻送葬，自第至墓，車徒相望不絕。

以節儉示子孫

唐郭提，高力士傳。高力士於太宗陵寢宮，見小梳箱一、柞木梳一、黑角篋一、草根刷子一。歎曰：先帝首建義旗，新正皇極，十有餘載，方致昇平，隨身服用，留此物，將欲傳示孝孫，永存節儉，具以奏聞。

胸上七黑子

高公所生母麥氏，即隋將鐵杖曾孫。始與母別時，年十歲，母撫首共泣曰：與汝分別。

再見無時。然汝胸上七黑子。他人云必貴。我若不死。得重見。記取汝言。汝常弄吾臂上雙金環。吾亦留待見汝。慎勿忘却。即與訣別。三十年後。知母在瀛州。雖使人迎接。終不敢望見。及到。子母並不相識。母問曰。與汝別時。語記否。胸前有黑子。在否。即解衣視之。母亦出金環示之。一時號泣。累日不止。上聞。登時召見。封越國夫人。

香玉能笑號

杜陽雜編。李輔國恣橫無君。上切齒久矣。因寢夢登樓。見高方士領兵數百鐵騎。以戟刺輔國首流血灑地。前後歌呼。自北而去。遺謁者問其故。力士曰。明皇之令也。上覺。亦不敢言。輔國尋爲盜所殺。上疑之。方以夢語左右。先是肅宗賜輔國香玉辟邪二。各高一尺五寸。奇巧殆非人間所有。其玉之香。可聞於數百步。雖鑲之於金函石匱。終不能掩其氣。或以衣裾誤拂。則芬馥經年。縱澣濯數四。亦不消歇。輔國常置於座側。一日方巾櫛。而辟邪忽一大笑。一悲號。輔國驚愕失據。而輾然不已。悲號者更涕泗交下。輔國惡其怪。碎之如粉。以投廁中。其後常聞冤痛之聲。輔國所居里巷餘